

26088

我國之意所慫恿。(譯者按、當日四國德意日本加入銀行團者、恐我內亂、就近借日本兵力以保護其所獲之利權也。)亦由保留對於中國之政治發言權耳。(當四國德意日本加入之際、日本遂要求對於中國借款關聯政治之發言權載明規約、始肯加入)發言權者、非分割中國而為保全中國也。保全云者、不但政治且及於經濟者也。

顧乃自由借款之結果。世人祇以為財力問題。若以財力言之。則我不獨無必勝之權。稍一縱逝。行且見隣邦以經濟瓜分耳。瓜分勢成。豈獨中國之不幸。乃我之大不利也。或謂中國瓜分之勢。到底不能阻止。我之獲彼利權。不宜後於列國。斯言也。未為不可。但我與列國以利權競爭。適足速其瓜分之勢。今瓜分且不可。况速其勢乎。故保全中國者。我國之大主義也。

欲施其保全主義。則此後之財政。必須嚴重監督。此後借款。必須臨以認可之覺悟也。經濟借款。雖為列國所明認。但今之中國借款。實際能不屬於政治借款耶。其實雖屬於經濟者。其影響能不貫徹於政治耶。故經濟借款者。即政治借款也。政治借款者。必有監督財務權。恐此後借款陸續成立。而收其完全監督財政權。列國或以之為助長瓜分趨勢之具也。職是之故。我國當內以情誼精神。制其濫借外債。而外則取所以抑止經濟分割之道。則中國庶免於財政亡國乎。

世界新聞紙內容之比較 錄神州日報譯論

美國米資利大學新聞科教授威廉氏。近來東方游歷。就世界著名新聞。加以比較考證。發為言論。詳明精密。誠我國報界之良藥也。茲特為譯。以餉閱者。其言如次。

人性不同。各如其面之殊異。新聞之性質。亦猶是也。試就世界而論。其始實以美國新聞之編輯方法。殊為精美。故影響於他國者亦大。英吉利新聞之受美國影響。其確證也。故英人自負之心特盛。學步效顰。引為大恥。然就利便可圖者。則肯取倣於人。英國有新聞曰梅爾日報。其編制之法。一倣美式。初出版時。他報多方攻擊。為其使用黃色紙也。乃梅爾報記事。純出以理想。適投閱者嗜好。他報雖欲設計排斥。而終無如彼何。近來他報見其銷路日廣。亦漸改變而為美國式矣。最可嘆者。往昔英國新聞。咸取則美國。而今日美國新聞。又有反取則於英國之事。若以兩國新聞之內容相提並論。英報之記事。以關於政治經濟問題為主。美報之記事。則於政治經濟之外。復登入社會諸事。以故英報之範圍狹。美報之範圍廣。蓋美報之經營者。多為政治家實業家。勢力普及一切人類。雖至婦人兒童勞動者。猶能手一紙而誦讀之。

美報固有一大缺點。其缺點維何。即置重興味輕視事實是也。此種惡風。行之已久。今可謂達於其極。閱報者即對於實事。常疑美報為虛中構造。是非受黃色紙之反動。何以至是。德國新聞。好揭統計表。所記事實。枯燥無味。恰與公牘無累。讀者非至必須用而不得已時。不注意也。德報論說。

選擇亦往往不精密。而編輯方法。亦毫無宗旨。故德國新聞。大概平平無奇。

法國新聞。其記事也。簡而能賅。至論說之博雅。於世界中可稱第一。讀其文者。覺一身有無限愉快。真絕構也。法報宿以文字稱譽於世。其銷路亦因之而極廣。其消行數。佔全球第一。所可惜者。偏重文字。於記事一途。過於輕視。常以文章家充新聞記者。故往往有事理不達之慮。此固急宜更張者也。

言政策於俄國。可謂專制之極。予以為是邦新聞。斷難發展。不意於聖彼得堡及莫斯科二都會。竟見其著名之新聞數種。搖舌弄筆。專向政府反抗。雖受警廳禁止發賣。而終不變其初旨。

此一般讀者所以歡迎不置。莫斯科有種新聞名路斯科斯洛薄者。論其發行部實數。與其勢力。誠世界大新聞中所不多見。惟抱守平民主義。僅為農民發揮意見耳。若大都會以外各地方新聞。悽慘情形。筆不忍述。蓋俄政府對於勢力微弱者。盡力施行壓迫。文字稍露鋒銛。輕則禁止發行。重則立予停刊。且小新聞

往往以財力不足之故。即受冤屈。無敢訴諸法庭。政府縱願不法命令。亦惟有忍氣吞聲。付諸運命而已。然則其結果究若何。曰秘密發售。此秘密發售之新聞。文字備極激烈。與治安有妨。固不容諱。發行所之多。出人意外。此誠他國所無之特色也。

由此觀之。防民之口。甚於防川。不從他方面著想。專以箝制言論為事。豈有幸乎。吾決其不能奏效也。且適足為危險之媒介也。

26089

以上所論。皆世界文明國新聞之內容。余書至此。有不可解者一事。即德意志國力。正如旭日中天。方興未艾。而新聞事業。胡不能與之並駕而齊驅。繼而思之。知其間有一大原因焉。

蓋世界文明國中。新聞記者位置之卑下。無逾於德。除有勢力之數記者外。他皆立於政治家及軍人官吏商人之最下層。以故青年寧就他職。不願入新聞界。宜德國新聞之無生氣少興趣也。更就營業上論之。要以美國新聞。居世界第一。所登廣告。選擇甚精。故常得多額之廣告費。然污辱新聞價值之廣告。決不為登廣告者要求。而減少新聞之分量。如康薩斯西賓斯他及紐育泰晤士等。其先例也。若夫他國常視廣告一區為新聞紙之財源。無論何種。皆揭載之。如美國之取擇精嚴。不多觀也。予曾見某國新聞。凡紳衿淑女所不堪入目之事實。竟繪為圖畫。以作廣告。又有登載卑鄙醜態之廣告文者。此等舉動。如行於美國。將致喪失新聞名譽。為新聞界所不齒。而發行人亦不免繫諸牢獄也。美國新聞。世人每評為俗氣。然就廣告觀之。可曉然其程度高尚。他國所望塵莫及者矣。

新聞記者記事之宗旨。予不暇評及他國。專就美國言之。實有一大缺點在。即若輩記載外交上問題時。不問此事露布。攸關於國際何若。以故於國際上。常因此而惹起不愉快之事情。此其故有三。一美人缺少國際上知識。與他國人等紛爭之外交問題。茫然莫解。其總因尤在對於外交。不覺有興趣之存。一美國僻居新大陸。非如比隣強國者可比。在外交上無須用其虛

26090 確實實秘密之術。一美國疆土廣大。物產豐富。國運隆隆。民生熙熙。他國之事。一若無所用其顧慮者。然此皆緣於國情。無可如何者也。予嘗告學生以外交上必要之知識。職此之由。

新聞記者。須已受高等教育。研究有素。方能勝任愉快。此在無論何國。應以此說為然。其在文明程度幼稚之國。記者既無誠意。而輿論復無勢力。故常網羅一輩弄文嚼墨之人才。為組織新聞記者團之要素。文明國不然。號稱大新聞社記者。必係飽受教育之青年也。美國約當五十年前。以記者一席。第一須富於實地經驗。學問修養一層。全然看過。鶴開史格里里氏。非美國新聞史上有數之人物乎。其出大學而充記者時。世人痛詆之不遺餘力。至謂比獸不若。嗣鶴氏肄業大學學生。續出任記者。漸佔新聞界之地步。今居然雄飛於新聞界矣。要之美國大新聞社記者。概係大學出身。且受人歡迎之青年記者。亦為大學出身。此中非無例外。然為數絕鮮。如米資利大學校新聞科學生。未畢業以前。已經新聞社聘定。故入新聞界後。成績極佳。今希望入該校者。絡繹不絕。良有以也。

予因研究新聞。嘗旅行世界各地。發見一有趣之事。除英法二國外。所有著名新聞。概在大都會發行。而不在本國都城發行。如德國最著新聞。在法郎克福爾脫。不在柏林。俄國最著新聞。在莫斯科。不在聖彼得堡。意國最著新聞。在米蘭不在羅馬。日美二國亦然。紐育之新聞價值。遠駕華盛頓之上。日本大阪新聞。在勢力上衡之。亦勝於東京各新聞也。

予於新聞上猶記憶二大滑稽事。其一為西班牙新聞。該國新聞分朝刊夕刊二種。夕刊新聞(非言其全部)於首頁記明本日日時。而分配於閱者。必在翌日與朝刊同送。此在他國。聞所未聞。見所未見。其二。土耳其敵視新聞。予勾留歐洲時。有舊友贈予新聞一份。曾以青鉛筆圈點。予因其文字不甚了然。置諸篋中。未幾予將入土國境。其稅關關吏來前檢查衣篋。發見此紙。竟沒收而去。予詢通譯以理由。據稱凡記事中有注意青線。必揣度為危險物也。予答辯云。此所載者為美國灌溉事。絕無危險性質。而無如若輩始終不信。予於彼時一笑置之。旋因有關言論自由。雖價值不過二分。不可置之不問。遂向土政府正式抗議。後歷數月。予已離土國而之澳洲。始由駐土美使送還原物。依予所聞。此一份舊報。美使與土政府曾幾經交涉。土遂交付。專制國之用意。誠不可解。噫。

### 論黃種諸邦之現狀 錄神州日報

洋洋五大洲。熙熙五大種族。並存於世界之上。數百年前。各自閉關自守。凡於域內稱雄者。即若無敵於天下。雖或具國家觀念。曾無世界思想。對於他種諸國。或以地勢所限而不之知。即或知之。亦以夷狄視外。而自視甚重。此各國之所同然。而黃種諸邦。尤其甚者。蓋他洲居民處外之道。始多好奇而繼研究。黃種則先由鄙夷而忽略之。不幸反被欺凌。則感情不洽。變為嫉視。由嫉視而成爲排外。排外不成。始驚異而迷信其事。